



Broj: 01-50-1-15-40/08
Sarajevo, 20.11.2008. godine

DOM NARODA
PARLAMENTARNE SKUPŠTINE
BOSNE I HERCEGOVINE

PREDMET: O b a v j e š t e n j e

Predstavnički dom Parlamentarne skupštine Bosne i Hercegovine je, 19. 11. 2008., održao 40. sjednicu.

Obavještavamo vas o razmatranju materijala koji su u nadležnosti i Doma naroda:

1. Zahtjev Vijeća ministara BiH za razmatranje Prijedloga zakona o izmjenama i dopunama Zakona o osiguranju depozita u bankama BiH po hitnom postupku, u skladu s članom 127. Poslovnika;
2. Zahtjev Vijeća ministara BiH za razmatranje Prijedloga zakona o dopunama Zakona o porezu na dodatu vrijednost po hitnom postupku, u skladu s članom 127. Poslovnika;
3. Prijedlog zakona o zaštiti i dobrobiti životinja (prvo čitanje);
4. Izjašnjavaње Doma o određivanju novog roka za dostavljanje izvještaja ili o obustavi zakonodavnog postupka po Prijedlogu zakona o Agenciji za razvoj informacionog društva BiH;
5. Finansijski izvještaji Radiotelevizije BiH na dan 31.12.2007. s Mišljenjem ovlaštenog revizora;
6. Informacija o stanju u oblasti imovinskih delikata u Bosni i Hercegovini, s naglaskom na krivično djelo otuđenja vozila u 2006. i 2007. godini i u prvih šest mjeseci 2008. godine;
7. Prijedlog zaključaka povodom Informacije o krivičnim djelima protiv života i tijela, s naglaskom na nasilje u porodici za period 2006. i 2007. godina te tendencijama u prva tri mjeseca 2008. godine;
8. Izvještaj Zajedničke komisije za usaglašavanje prijedloga za imenovanje ombudsmena u Instituciju ombudsmena za ljudska prava BiH;
9. Izvještaj Zajedničke komisije za usaglašavanje prijedloga za imenovanje zamjenika generalnog revizora;
10. Izbor članova Upravnog odbora Agencije za razvoj visokog obrazovanja i osiguravanje kvaliteta (rang-lista Vijeća ministara BiH);
11. Zahtjev ustavnopravnih komisija oba doma za davanje ovlaštenja za utvrđivanje prečišćenog teksta Zakona o Sudu BiH i Zakona o Tužilaštvu BiH;
12. Davanje saglasnosti za ratifikaciju:
 - a) Sporazuma o kreditu između Bosne i Hercegovine, koju zastupa Ministarstvo finansija i trezora BiH, i Bank Austria CREDITANSTALT – Projekat izgradnje vodovoda Fojnica – Kiseljak i kanalizacionog kolektora Lepenica – Kiseljak;
 - b) Sporazuma između Bosne i Hercegovine i Vijeća ministara Republike Albanije o recipročnom unapređenju i zaštiti investicija;
 - c) Ugovora o finansiranju između Bosne i Hercegovine i Federacije BiH i Evropske investicione banke – Projekat vodovoda i kanalizacije u Federaciji BiH;
 - d) Evropskog sporazuma o dostavljanju molbi za pravnu pomoć.

Ad.1.

Predstavnički dom usvojio je zahtjev Vijeća ministara BiH za razmatranje Prijedloga zakona o izmjenama i dopunama Zakona o osiguranju depozita u bankama BiH po hitnom postupku, u skladu s članom 127. Poslovnika, a zatim je usvojio i Prijedlog zakona.

Ad. 2.

Dom je također usvojio i zahtjev Vijeća ministara BiH za razmatranje Prijedloga zakona o dopunama Zakona o porezu na dodatu vrijednost po hitnom postupku, u skladu s članom 127. Poslovnika, nakon čega je usvojen i Prijedlog zakona.

Ad. 3.

Prijedlog zakona o zaštiti i dobrobiti životinja usvojen je u prvom čitanju.

Ad. 4.

Dom je odobrio produženje roka za dostavljanje izvještaja o Prijedlogu zakona o Agenciji za razvoj informacionog društva BiH do 1. 12. 2008.

Ad. 5.

Zbog nedostatka entitetske većine, u Kolegiju kao komisiji obaviti će se usaglašavanje o finansijskim izvještajima Radiotelevizije BiH na dan 31.12.2007. s Mišljenjem ovlaštenog revizora.

Ad. 6.

Dom je primio k znanju Informaciju o stanju u oblasti imovinskih delikata u Bosni i Hercegovini, s naglaskom na krivično djelo otuđenja vozila u 2006. i 2007. godini i u prvih šest mjeseci 2008. godine.

Ad. 7.

Dom je usvojio Prijedlog zaključaka povodom Informacije o krivičnim djelima protiv života i tijela, s naglaskom na nasilje u porodici za period 2006. i 2007. godina te tendencijama u prva tri mjeseca 2008. godine.

Ad. 8.

Usvojen je Izvještaj Zajedničke komisije za usaglašavanje prijedloga za imenovanje ombudsmena u Instituciju ombudsmena za ljudska prava BiH. U Instituciju ombudsmena za ljudska prava BiH imenovani su: Jasminka Džumhur iz bošnjačkog naroda i Ivo Bradvica iz hrvatskog naroda.

Ad. 9.

Usvojen je Izvještaj Zajedničke komisije za usaglašavanje prijedloga za imenovanje zamjenika generalnog revizora. Za zamjenika generalnog revizora iz bošnjačkog naroda izabran je Dževad Nekić.

Ad. 10.

Dom je izabrao članove Upravnog odbora Agencije za razvoj visokog obrazovanja i osiguravanje kvaliteta (rang-lista Vijeća ministara BiH). Iz srpskog naroda izabrani su: Mišo Kulić (na period od tri godine), Stevo Pašalić (na period od dvije godine) i Darko Petković (na period od godinu dana). Iz bošnjačkog naroda izabrani su: Sabahudin Ekinović (na period od tri godine), Bakir Mehić (na period od dvije godine) i Refik Šahinović (na period od godinu dana). Iz hrvatskog naroda izabrani su: Ivo Rozić (na period od tri godine), Slavica Juka (na period od dvije godine) i Siniša Skočibušić (na period od godinu dana). Iz reda ostalih izabrana je Emina Hot-Sljuka (na period od tri godine).

Ad. 11.

Dom je dao ovlaštenje ustavnopravnim komisijama oba doma za utvrđivanje prečišćenog teksta Zakona o Sudu BiH i Zakona o Tužilaštvu BiH.

Ad.12.

Dom je dao saglasnost za ratifikaciju:

- e) Sporazuma o kreditu između Bosne i Hercegovine, koju zastupa Ministarstvo finansija i trezora BiH, i Bank Austria CREDITANSTALT – Projekat izgradnje vodovoda Fojnica – Kiseljak i kanalizacionog kolektora Lepenica – Kiseljak;
- f) Sporazuma između Bosne i Hercegovine i Vijeća ministara Republike Albanije o recipročnom unapređenju i zaštiti investicija;
- g) Ugovora o finansiranju između Bosne i Hercegovine i Federacije BiH i Evropske investicione banke – Projekat vodovoda i kanalizacije u Federaciji BiH;
- h) Evropskog sporazuma o dostavljanju molbi za pravnu pomoć.

S poštovanjem,

PREDSJEDAVAJUĆI
PREDSTAVNIČKOG DOMA
Niko Lozančić